

## Evening Dogri (NSD) Bulletin 17-05-2024

आकाशवाणी

खास खबरां ...

1 लोकसभा चुनां दे बाकी बचे दे गेड़ें लेई चुनां प्रचार जोरें पर, प्रधानमंत्री नरेन्द्र मोदी होरें अज्ज कांग्रेस उप्पर अल्पसंख्यक आरक्षण दे मुद्दे उप्पर बी जवाबी हमला कीता।

2 महिलाएं लेई राश्ट्री आयोग दियां अध्यक्ष रेखा शम्र होरें दिल्ली दे मुखमंत्री अरविंद केजरीवाल हुंदे पी.ए आस्सेआ आप सांसद स्वाती मालीमाल हुंदे नै कथित गलत व्यवहार दी निंदेया कीती ऐ।

3 कांग्रेस नै आखेआ जे दिल्ली दे चुनां च पर्यावरण ते बधदा प्रदूषण बी जरूरी मुद्दे न।

4 विदेश मामले मंत्री डॉ. एस.जयशंकर होरें आखेआ जे औने आले समें च भारत गी अगेत्री शक्ति बनाने लेई सब्बै राश्ट्रीय क्षमताएं गी विकसित करोग।

5 भारतीय मौसम विभाग नै इस म्हीने दी 21 तरीक तगर राजस्थान, पंजाब, हरियाणा ते दिल्ली दे हिस्से च गर्म हवा कोला मती गर्म हवा ते लूह आले हालात दी पेशनगोई कीती ऐ।

<><><><><><>

## UP-PM

प्रधानमंत्री ते बीजेपी दे वरिष्ठ नेता नरेन्द्र मोदी होर अज्ज फही कांग्रेस उप्पर अल्पसंख्यक आरक्षण दे मुद्दे उप्पर जवाबी हमला कीता। उनें आखेआ जे बाबा साहेब अम्बेडकर होरें धर्म दे आधार उप्पर आरक्षण दा खुल्ले तौरा पर खलाफत कीती ते कांग्रेस धर्म दे आधार उप्पर लाह देना चांहदी ऐ। जेहड़ी बाबा साहेब हुंदी इच्छा दे खलाफ ऐ। ओह उत्तर प्रदेश दे हमीरपुर जिले च इक सियासी रैली च बोला'रदे हे। श्री मोदी होरें राज्य च इक दे बाद इक रैलिएं गी संबोधत कीता जित्थें इनें सीटें पर 5में ते 6में गेड़ च चुनां होने न। एहदे कोला पैहले बाराबंकी च प्रधानमंत्री

होर इक सियासी रैली गी संबोधत कीता ते आखेआ जे समाजवादी पार्टी नै हुन बंगाल च शरण लैती ऐ ते उंदा सियासी गठबंधन शड़ा वोट बैंक ते तृष्ठीकरण लेई गै ऐ। फतेहपुर जिले च इक होर सियासी रैली गी संबोधत करदे होई श्री मोदी होरें आखेआ जे उत्तर प्रदेश च पैहले दी सरकार भ्रष्टाचार ते जुर्म गी काबू नेई करी सकियां मगरा हुन राज्य विकास दी बत्ते उप्पर जा'रदा ऐ। तोआई रायबरेली दे अनचाहर हल्के थमां समाजवादी पार्टी दे विधायक मनोज पांडे होर अज्ज केन्द्री गृहमंत्री अमित शाह हुंदी मजूदगी च बीजेपी च शामिल होई गे। मगरा श्री शाह होरें बी अनचाहर च किट्ठे गी संबोधत कीता ते आखेआ जे INDI गठबंधन जेकर सत्ता च आई तां ओह राम मंदरे गी जन्द्रा लाई देंगन। रक्षा मंत्री ते बीजेपी दे वरिष्ठ नेता राजनाथ सिंह होरें जिला बालीया च इक किट्ठ गी संबोधत कीता ते बीजेपी फही सत्ता च त्री बारी औने बक्खी अग्गे बधा'रदी ऐ। समाजवादी पार्टी प्रमुख अखिलेश यादव ते साबका कांग्रेस अध्यक्ष

राहुल गांधी होरें रलियै अमेठी थमां कांग्रेस दे मेदवार  
किशोरी लाला शर्मा हुंदे हक्कै च प्रचार कीता।  
अखिलेश यादव होरें आखेआ जे इक बारी INDI  
गठबंधन सत्ता च औग तां फही ओह करसानें दे  
कल्याण लेई एमएसपी उप्पर कनून बनांगन। बहुजन  
समाज पार्टी प्रमुख मायावती होरें जिला प्रतापगढ़ च  
अज्ज सियासी किट्ठे गी संबोधत कीता ते बीजेपी ते  
कांग्रेस उप्पर जवाबी हमला कीता। उनें आखेआ जे  
दौनें पार्टियां भ्रष्टाचार च रुज्झी दियां न।

<><><><><><>

## NCW-Swati

महिलाएं लेई राष्ट्री आयोग दियां अध्यक्ष रेखा शर्मा  
होरें अज्ज दिल्ली दे मुखमंत्रि अरविंद केजरीवाल हुदं  
पी.ए पाससेआ आप सांसद स्वाती मालीमाल हुंदे नै  
कथित गलत व्यवहार दी निंदेया कीती। नमीं दिल्ली च  
मीडिया गी जानकारी दिंदे होई सुरी शम्भू होरें  
आखेआ जे एह इक चैंता आली गल्ल ऐ जे महिलाएं

लेई दिल्ली आयोग दियां साबका प्रमुख ते महिलाएं  
**Sitharaman-Kejriwal**

बीजेपी दे वरिष्ठ नेता ते केन्द्री खजाना मंत्री निर्मला  
सीतारमण होरें अज्ज आप प्रमुख ते दिल्ली दे  
मुख्यमंत्री अरविंद केजरीवाल होरें गी आप सांसद  
स्वाती मालीवाल कन्नै कथित बदसलूकी उप्पर चुप्पी  
लेइ लताड़ेआ। नमीं दिल्ली च मीडिया गी जानकारी  
दिंदे होई सुश्री सीतारमण होरें इस मुद्दे उप्पर श्री  
केजरीवाल हुंदे थमां माफी दी मंग कीती। उनें  
आखेआ जे मुख्यमंत्री हुंदे आवास च इक महिला  
सांसद बी सुरक्षत नेई ऐ। सुश्री सीतारमण होरें नेका  
आप नेताएं खलाफ महिलाएं उप्पर हमले दे आरोपें दा  
हवाला दिंदे होई नमीं दिल्ली लोकसभा मेदवार  
सोमनाथ भारती हुंदा बी जिक्र कीता। सुश्री सीतारमण  
होरें दावा कीता जे आप इक महिला-रोधी पार्टी ऐ।

<><><><><><>

दे हक्क-हकूकें दी लड़ाई लड़ने आलियां वकील होरें  
गी नेह् हालात दा सामना करना पेआ ऐ। उनें सुश्री

मालीवाल हुंदी बाहर आइयै अरोपी खलाफ शकैत दर्ज कराने लेई हिम्मत दी सराहना कीती। सुश्री शर्मा होरें आखेआ जे आयोग ने अरोपी गी इक नोटिस भेजेआ ऐ ते कल उसी आयोग अग्गे पेश होने गी आखेआ ऐ। उनें अग्गे आखेआ जे आयोग दी टीम अग्गे दी पुच्छ-गिच्छ लेई मुखमंत्रि आवास बी जाई सकदी ऐ।

<><><><><><>

## Congress

कांग्रेस नै दोष लाया जे केन्द्र सरकार आस्सेआ पिछले 10एं ब'रें च दिल्ली च हवा सरबंधी प्रदूषण उप्पर कीते दे प्रयासें दा किश असर नेई लब्भा'रदा ऐ। दिल्ली च मीडिया गी जानकारी दिंदे होई कांग्रेस दफतर च अज्ज जयराम रमेश होरें आखेआ जे दिल्ली चुनां प्रमुख भूमका ऐ ते हवाएं सरबंधी प्रदूषण च शैहर शीर्ष च इक ऐ। उनें आखेआ जे केन्द्र च सरकार दा मुख फर्ज इस मुद्दे उप्पर कम्म करना ऐ। उनें दिल्ली ते यमुना नदी दे आले-दुआले कैमीकल सरबंधी प्रदूषण, एरावली खित्ते च रूक्ख-बूहटें दी

कराई, ईट-भट्ठे ते होर सरबंधी मुद्दे उप्पर लोहू  
पाई। उनें चला'रदे लोकसभा चुनां च INDI गठबंधन  
आस्सेआ पूर्ण बहुमत थोने दा बी दावा कीता।

<><><><><><>

## **Jaishankar-Sitharaman**

विदेश मंत्री डॉ. एस.जयशंकर होरें आखेआ ऐ जे  
भारत सब्बने जरूरी राश्ट्री क्षमताएं गी विकसित करोग  
जेह्दे नै औने आले समें च ओह नेतृत्वक रने आला  
बनी सकै। नमीं दिल्ली च बपारिक संगठनें आस्सेआ  
आयोजित इक सम्मेलन च डॉ. जयशंकर होरें आखेआ  
जे बपार लेई साजगार म्होल दे कन्नै असेंगी  
काबलियत ते सेहतमंद मकाबलेबाजी आले हालात  
विकसित करने पर ध्यान केन्द्रित करना लोडत्रचदा ऐ।  
उनें आखेआ जे भारत च मजबूत विकास, शासन  
बवस्था च सुधार, माली अनुशासन, बुनियादी ढांचा ते  
तेजिया कन्नै बधदा डिजिटीकरण दिक्खेआ जाई  
सकदा ऐ। उनें दुनिया च बधे करदी तनोतनी पर चैंता

जाहर कीती ते आलमी सतह पर स्थिरता च भारत दे जोगदान पर बी लोह पाई। उनें आखेआ जे भारत गी सब्बने शा अग्गे रखने ते वसुधैव कुटुम्बकम दी भावना, भारत गी विश्व बंधु दे रूपै च पंछान दोआंदा ऐ। इस मौके पर बोलदे होई खजाना मंत्री निर्मला सीतारमण होरें आखेआ जे भारत गी 2047 तगर च विकसित राष्ट्र बनाने च निजी खेत्तर मती बड्डी भूमका नभाग। सीतारमण होरें भारत च होई दी तरक्की गी इक बेह्तरिन विकास यात्रा करार दित्ता।

<><><><><><>

## Telecom Day

इंटरनेट ते होरने सूचना ते संचार तकनीके दे इस्तेमाल दिएं संभावनाएं प्रति जागरूकता बधाने लेई अज्ज विश्व दूरसंचार ते सूचना सोसायटी दिवस मनाया जा'रदा ऐ। एह तकनीक समाज ते अर्थबवस्था च दब्दीली आहनने दी समर्थ रखदी ऐ। साढ़ा मुख्य अज्ज डिजीटल खेत्तर च इक वैश्विक नेता दे रूपै च



उभरियै सामने औने ते अपने बसनीकेँ गी बाबख्तियार बनाने दी महत्वपूर्ण डिजीटल यात्रा दा जश्न मना करदा ऐ।

<><><><><><>

## IMD

भारतीय मौसम विभाग ने इस म्हीने दी 21 तरीक तोड़ी राजस्थान, पंजाब, हरियाणा ते दिल्ली दे हिस्से च गर्म हवा थमां मती गै लूह आले हालात बने दे रौहने दी पेशनगोई कीती ऐ। मोसम विभाग नै आखेआ जे गर्म हवा आले हालात कल थमां देसै दे पूर्वी ते मध्य हिस्से च शुरू होग। इस म्हीने दी 23 तरीक तगर भारत दे दक्खनी हिस्से च लगातार रूकी-रूकियै भारी बरखा होने दी मेद ऐ। मोसम विभाग नै आखेआ जे मंगलवार तोड़ी तमिलनाडू, पुदेचेरी, कराइकल, केरल, माही तटीय आंध्रप्रदेश, रायलासीमा ते कर्नाटक च रूकी-रूकियै मोलेधार बरखें दी पेशनगोई कीती। भारतीय मौसम विभाग

मताबक इस म्हीने दी 20 ते 21 तरीक गी केरल च  
रुकी-रुकियै मती गैमोलेधार बरखा दी मेद ऐ। पूर्वी  
भारत च सोमवार तोड़ी अरुणाचल प्रदेश, सिक्किम,  
असाम, नागालैंड, मणिपुर ते मेघालय च रुकी-रुकियै  
मती बरखा होने दी मेद ऐ। अगले त्रऊं-चऊं दिनें  
लेई उत्तर-पच्छिम, मध्य ते पूर्वी भारत दे केई हिस्सें च  
आस्ता-आस्ता, बद्धोबद्ध तापमान च 2 शा 4 डिग्री  
सैल्सियस दा बाद्धा होने दी मेद ऐ।

<><><><><><>

## Peris

भारतीय नंबर 1 टेबल टैनिंस खडारन मोनिका बत्रा ते  
वेतेरन शराथ कमल होर पैरिस ओलंपिक 2024 लेई 6  
मिंबरी टीम दी अगुवाई करोग। सब्बै 6 खडारी  
भारतीय ओलंपिक टेबल टैनिंस लेइ विश्व तालिका दे  
आधार उप्पर ताले गे न।

<><><><><><>